

ԽՈՒՊԻՔ (Թերևս խուփեր).—25 տուն ք. 1 ¹/₂ ժամ հարաւ Տէրըքու, ունի փոքր մատուռ մի և գիւղի շուրջն քանի տեղեր հայկական գերեզմաննոց. մատուռը հողի մէջ շինուած է. Խարաճանայ վանքի նման վանք մի կայ այստեղ:

ԹՕՓԷ.—18 տուն ք. 1 ժամ արևմտեան հարաւ Տէրըքու, սորա արևմուտքը՝ սարի վերայ ուխտատեղի կայ ուր կը գիմեն բազմաթիւ քրդեր:

ԲՈՒԹԱՆ.—15 տուն ք. ըստ քրդաց դատարկ կամ մերկ կը նշանակէ, գիւղս մէկ ժամ արևմուտք է Մօլլա-Շամտինի:

ԳՈՒԹԱՂ (երկու Թաղ).—80 տուն Թ. 1 ժամ արևելք Տատկանայ, ԳուԹաղ Արաճանուց աջ ափին վերայ շինուած է, հոս կը նստի գայմագամը, սորա շրջականերն կը նշմարուին շատ մի հնութեան հետքեր:

Այս գիւղս շրջապատած է 1700 թուականներուն մի հաստատուն պարիսպ, սորա բնակիչներն, որպէս ամբողջ Անդաբ, հայ էին, այդ թուականներուն երկու օր էնի Չերեաց հետ պատերազմած երկու կողմից բազմաթիւ մարդիկ կոտորած են ¹:

ԷՄՄԷԹ.—60 տուն Թ. ըստ քրդաց ցորենագոյն կը նշանակէ, 1 ¹/₂ ժամ արևմտեան հարաւ Տատկանայ: Գիւղս հաստատուած են հարուստ կօլացի թուրքեր, որք վերջին պատերազմից յետոյ գաղթած: Գիւղիս շրջականերն ևս գտնուած են տապանաքարեր հողի տակ, զորս թուրքեր կը հանեն գետնի տակից՝ շարունակ պեղելով հողը:

1. Առանձին եւս պիտի գրուի Դուժաղայ մէջ պատահած մի անցքի մասին: